




Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-04-8597-2/26
Sarajevo, 22.04.2026.godine

OPĆINA VOGOŠĆA
OPĆINSKI NAČELNIK
Služba za boračko-invalidsku i socijalnu zaštitu
Ul. Jošanička broj 80
71 320 Vogošća



PREDMET: Vijećnička inicijativa – Odgovor, dostavlja se

Vijećnica Curić Samira je u okviru 15. redovne radne sjednice Općinskog vijeća Vogošća, održanoj 26.02.2026. godine **uputila slijedeću vijećničku inicijativu:**

“Da se izvrši nabavka novog ultrazvučnog aparata za potrebe Zavoda za zdravstvenu zaštitu žena i materinstva Kantona Sarajevo koja djeluje u sastavu JU Doma zdravlja Kantona Sarajevo - lokalitet Vogošća. Naime, prema informacijama dobijenim od građanki i zdravstvenog osoblja, postojeći ultrazvučni aparat je zastario i tehnički dotrajavao, što otežava kvalitetno i pravovremeno pružanje zdravstvenih usluga. Područje Općine Vogošća bilježi značajan broj korisnika zdravstvenih usluga, te je od izuzetne važnosti da se ženama omogući adekvatna i dostupna zdravstvena zaštita bez upućivanja u druge zdravstvene ustanove.”

S tim u vezi, dostavljamo Vam Odgovor JU Zavoda za zdravstvenu zaštitu žena i materinstva Kantona Sarajevo, sa detaljnim informacijama - dopis broj 10-744-01/26 od 16.04.2026. godine.

S poštovanjem,



Dostavljeno:

1. Naslovu

2. a/a



Adresa: Reisa Džemaludina Čauševića 1
Tel: + 387 (0) 33 562-104, Fax: + 387
Web: <http://mz.ks.gov.ba>, E-mail: mzi



1500

**JAVNA USTANOVA
ZAVOD ZA ZDRAVSTVENU ZAŠTITU
ŽENA I MATERINSTVA
KANTONA SARAJEVO**

**JAVNA УСТАНОВА
ЗАВОД ЗА ЗДРАВСТВЕНУ ЗАШТИТУ
ЖЕНА И МАТЕРИНСТВА
КАНТОНА САРАЈЕВО**

Broj: 10- *744* -01/26
Sarajevo, 16.04.2026.

PRIM.	16-04-2026
Org. broj	10
Opis	04
Broj	8597-2

**MINISTARSTVO ZDRAVSTVA
KANTONA SARAJEVO,
Reisa Džemaludina Čauševića 1
71000 SARAJEVO**

n/r Prim.mr.sci.dr.med Enis Hasanović, ministar

Predmet: Odgovor na vijećničku inicijativu

Poštovani,

Na osnovu Vašeg dopisa broj 10-04-8597-1/26 od 18.03.2026. godine zaprimljene u ovu Ustanovu 25.03.2026. godine u kojem se nalazi inicijativa uvažene vijećnice Samire Curić iz Opštinskog vijeća Vogošća, koja je uputila inicijativu Ministarstvu zdravstva Kantona Sarajevo za nabavku novog ultrazvučnog aparata za potrebe JU Zavod za zdravstvenu zaštitu žena i materinstva Kantona Sarajevo – Lokalitet Vogošća, a koju ste nam dostavili uz dopis i gdje tražite naše mišljenje u nastavku vam dostavljamo sve informacije.

JU Zavod za zdravstvenu zaštitu žena i materinstva KS je zdravstvena ustanova koja ima 8 lokaliteta i obezbjeđujemo cjelovitu primarnu zdravstvenu zaštitu žena na području Kantona Sarajevo, te dijelom i sekundarnu zdravstvenu zaštitu navedene populacije – putem razvijenih oblika dispanzerskog rada, odnosno konsultativno-specijalističkih službi. U svom poslovanju Zavod je kontinuirano išao u pravcu kadrovskog, tehničkog i infrastrukturnog razvoja sa ciljem pružanja što kvalitetnije ginekološke zdravstvene zaštite žene i majke - po svim relevantnim svjetskim medicinskim parametrima. Trudimo se da na svakom lokalitetu na kojem se nalazimo pružimo što bolje uslove rada i usluge našim pacijentima. Također moramo naglasiti da je u Zavodu organizovana Radiološka služba, koja u svom sastavu ima kabinete za mamografiju i ultrazvučni pregled dojke, kako bi se pacijenticama Kantona Sarajevo pružila kompletna zdravstvena usluga, a prevashodno u cilju prevencije i detekcije tumora dojke.

Lokaliteti Zavoda se nalaze u opštinama Centar, Stari Grad, Novi Grad, Ilidža, Hadžići. Vogošća i Ilijaš. Od toga na području opštine Novi Grad se nalaze dva lokaliteta s obzirom da na tim lokalitetima primarno preglede obavljaju pacijenti sa područja opština Novi Grad i Novo Sarajevo. Na području opština Stari Grad, Hadžići, Ilijaš i Lokaliteta Saraj Polje na području Novog Grada radi jedan medicinski tim, kojeg čine ljekar specijalista ginekologije i akušerstva i dvije medicinske sestre, dok na području opštine Vogošća od septembra 2025. godine rade dva medicinska tima. Prateći razvoj opštine Vogošća, posebno demografsku

strukturu, doseljavanje novog stanovništva, odlučeno je da se pojača tim za pružanje usluga na tom lokalitetu. Za usporedbu, prije deset godina ljekar specijalista ginekologije i akušerstva je radio pola radnog vremena na Lokalitetu u Vogošći a pola na Lokalitetu Ilijaš, te je ovaj potez značajan za pacijentice sa područja opštine Vogošća i šire koje koriste usluge na tom lokalitetu.

Cijeneći navedenu inicijativu i realne mogućnosti Ustanove želimo da istaknemo da smo u prethodnom periodu zajedno sa Ministarstvom zdravstva Kantona Sarajevo i opštinama u Kantonu Sarajevo značajno unaprijedili rad lokaliteta. Na osnovu prethodnog ističemo sljedeće donacije Zavodu:

- 2022. godina

Ministarstvo zdravstva Kantona Sarajevo

- Digitalni mamograf Lokalitet NDC Otoka – 249.000,00 KM
- Uređaj za digitalizaciju uzoraka Lokalitet NDC Otoka – 465.660,00 KM
- 2 autoklav sterilizatora Lokalitet NDC Otoka i Ilidža - 54.900,00 KM

Opština Centar

- 1 autoklav sterilizator Lokalitet Centar – 24.570,00 KM (20.000 Opština Centar i sufinansiranje Zavoda 4.570,00)

- 2023. godina

Ministarstvo zdravstva Kantona Sarajevo

- Ultrazvučni aparat sa 2 sonde Lokalitet Centar – 104.410,80 KM
- Ultrazvučni aparat sa 2 sonde Lokalitet Centar – 85.585,50 KM
- Rekonstrukcija dvorišta centralnog objekta Zavoda – 27.213,00 KM

Opština Novo Sarajevo

- Ultrazvučni aparat sa 2 sonde Lokalitet NDC Otoka – 99.450,00 KM (85.000 Opština Novo Sarajevo i sufinansiranje Zavoda 14.450,00)

Unicef

- Klima uređaji za lokalitete Zavoda – 7 komada

Farmaceutske kuće

- Klima uređaji za lokalitete Zavoda – 3 komada

- 2024. godina

Ministarstvo zdravstva Kantona Sarajevo

- Ultrazvučni aparat sa 2 sonde Lokalitet NDC – 100.620,00 KM
- Putnički automobil za potrebe patronažne službe – 55.654,91 KM (50.000 Ministarstvo zdravstva Kantona Sarajevo i sufinansiranje Zavoda 5.654,91)

Opština Ilidža

- Ultrazvučni aparat sa 2 sonde Lokalitet Ilidža – 76.050,00 KM (50.000 Opština Ilidža i sufinansiranje Zavoda 26.050,00)

- 2025. godina

Ministarstvo zdravstva Kantona Sarajevo

- Digitalni mamograf Lokalitet Ilidža– 299.988,00 KM

- Digitalni mamograf sa tomosintezom Lokalitet Centar – 351.000,00 KM (350.000,00 Ministarstvo zdravstva Kantona Sarajevo i sufinansiranje Zavoda 1.000,00)
- Zamjena drvene stolarije na centralnom objektu Zavoda – 95.927,13 KM
- Rekonstrukcija krova na centralnom objektu Zavoda – 72.640,85 KM (70.000,00 Ministarstvo zdravstva Kantona Sarajevo i sufinansiranje Zavoda 2.640,85)

Opština Hadžići

- Ultrazvučni aparat sa 3 sonde Lokalitet Hadžići – 79.911,00 KM

Opština Novi Grad Sarajevo

- Ultrazvučni aparat sa 3 sonde Lokalitet NDC Otoka – 109.629,00 KM (100.000 Opština Novi Grad Sarajevo i sufinansiranje Zavoda 9.911,00)

Opština Centar

- Ultrazvučni aparat sa 2 sonde Lokalitet Centar – 99.684,00 KM (80.000 Opština Centar i sufinansiranje Zavoda 19.684,00)

Opština Ilidža

- Ginekološka električna stolica – 15.005,25 KM

Opština Ilijaš

- Ultrazvučni aparat sa 3 sonde Lokalitet Ilijaš – 79.970,00 KM
- Ginekološka električna stolica – 17.000,00 KM

UNFPA/UNDP

- Sterilizator Lokalitet Ilidža – 4.452,32 KM
- Ginekološka električna stolica Lokalitet NDC Otoka – 9.107,52

Farmaceutske kuće

- Klima uređaji za lokalitete Zavoda – 4 komada

Za potrebe rada Lokaliteta Vogošća, ustanova je u prethodnom periodu izvršila određene radove spajanja dvije prostorije u jednu kako bi dobili odgovarajući prostor za rad ljekara i kvalitetnije pružanje usluga pacijenticama. Takođe je na cijelom Lokalitetu urađena zamjena podnih obloga koje su bile u lošem stanju. Da bi se oformila nova ordinacija kako bi se pratio trend porasta stanovništva na području opštine Vogošća, od prostorije koja je služila za intervenciju napravljena je ambulanta da bi dva ljekara mogla nesmetano pružati usluge. U tu svrhu smo sa drugih lokaliteta preraspodjelili opremu koja je nužna za rad te smo sa Lokaliteta Hadžići prebacili ultrazvučni aparat koji je 2016. godine bio donacija Vlade Japana tom Lokalitetu. Isti smo bili u mogućnosti prebaciti zahvaljući nabavci novog od strane Opštine Hadžići.

Želimo da napomenemo da su se u ranijem periodu vršili ultrazvučni pregledi dojki na Lokalitetu Vogošća, gdje je ljekar specijalista radiologije dolazio dva puta mjesečno kako bi pacijentice sa područja opštine Vogošća imali bližu zdravstvenu uslugu i da ne bi morali ići na druge lokalitete Zavoda. Međutim, zbog starije opreme i kvara ultrazvučnog aparata koji je ranije bio na tom lokalitetu te zbog nedostatka ultrazvučne sonde trenutno ta mogućnost nije izvodiva.

Na osnovu navedenih donacija posljednjih godina, vidimo da Ministarstvo zdravstva Kantona Sarajevo kontinuirano prati rad ove Ustanove. Takođe, opštine Hadžići i Ilijaš dugi niz godina izdvajaju budžetska sredstva za nabavku opreme za lokalitete sa tog područja. Opštine Centar, Novo Sarajevo, Ilidža i Novi Grad su prepoznale značaj ove Ustanove te isto tako posljednjih godina u budžetima obezbjeđuju sredstva za nabavku opreme za lokalitete sa njihovog područja što su najavili i za budućnost. Ističemo da sa Opštinom Vogošća nismo imali ni jedan vid saradnje, iako smo se više puta puta obraćali za organizaciju sastanka do kojeg nije došlo, te smo ih obavještavali o aktivnostima koje obavljamo na našem Lokalitetu.

Na kraju ističemo da je ultrazvučni aparat za potrebe Lokaliteta Vogošća izuzetno bitan s obzirom na prethodno nabrojano. Kako Ustanova nije u mogućnosti isti obezbjediti od svojih sredstava, bilo koja donacija od strane Ministarstva zdravstva Kantona Sarajevo ili lokalnih vlasti je dobro došla i sasvim sigurno će poboljšati rad Zavoda. Smatramo da je model sistemske podrške od strane svih nivoa vlasti u Kantonu Sarajevo izuzetno bitan za razvoj i očuvanje javnog zdravstva.

S poštovanjem,



Dostaviti:

- Ministarstvo zdravstva Kantona Sarajevo
- a/a